

11. oktober 2011 – Nuuk, Kalaallit Nunaat

Ilisimatusarfik, Kalaallit Nunaata universitetia siullermeerutaasumik Kalaallit Nunaanni uulia gassilu pillugit oqallitsitsinermi aqqissuisuvoq.

Naalackersuisut, suliffissuit, nunat immikkoortortaanni pisortat, ilinniagartuut aammalu NGO-t sinnerlugit 100 missaanniittut peqataapput Kalaallit Nunaanni siullermeerutaasumik uulia gassilu pillugit oqallitsitsinermi pilersaarutaasimasumi, Kalaallit Nunaanni uulia gassilu pillugit ineriartortitsinermi apeqqutinik pingaarutilinnik sammisaqarnissamut oqallinnissamullu.

Kalaallit Nunaata Universitetia Ilisimatusarfik Norgemi Bodø-mi Universitetet i Nordland aamma HBW Ressourcer peqatigalugit septemberip 24-aniit 25-annut ulluni marlunni oqallitsitsinermut aqqissuisuupput.

Ataatsimeersuarnermi pingaartillugu saqqummiunneqarput inuuniarnikkut, aningaasaqarnikkut, avatangiisitigut aammalu teknikkikkut unammilligassat aammalu periarfissasinnaasut siunissami imaannarmi uuliasiornermi gassisiornermullu atatillugu.

Kalaallit Nunaanni innuttaasunut tamanut iluaqutaasussamik ineriartortitsilernissap aqutissiuunnissaa ataatsimeeqataasut ataatsimoorutaasumik inerniliiniarnissaq anguniarsimavaat.

Kalaallit Nunaata siunissami ineriartornissamut periarfissai pillugit annertunerusumik paasinninnerulernermik kinguneqarpoq, tamatumunnga ilanngullugu tamakkua nunap inuiaqatigiissutsikkut pisaqartitaannik sunniisarneri, aamma soqutigisaqatigiit assigiinngitsut unammillernartut pillugit tamakkulu qanoq ilillugit iliuuseqarsinnaaneq pillugit isiginninnerannik annertunerusumik paasinnilerneq.

Sammissat makku ilaatigut oqaluuserineqarput: piginnaaneqassutsip ineriartortinneqarnera, ilinniartitaanikkut piumasaqaatit, peqqissuseq, sillimaniarneq avatangiisillu, inuiaqatigiissutsikkut kulturikkullu kingunerisinnaasat; aningaasaqarnikkut periarfissat kingunerisinnaasaalu; soqutigisaqatigiit akornanni suleqatigiinneq aammalu naalackersuinikkut suliaqartut, suliffeqarfiit, NGO-t aammalu soqutigisaqatigiit allat akornanni attaveqatigiinnerup pitsanngorsarnissaa,

Pisortatigut tusarniaasarnerit qanoq ilisamik annertunerpaamik kinguneqartarnissaat pillugit innersuussinerit oqaasertalerneqarput, kalaallit inuiaqatigiivini aggulunnerit tamakkerlugit taamaasilluni akuutinnissaat ersersinnissaallu anguneqarnissamat.

Ataatsimmersuarneq taanna annertunerusumi issittumi oqallittarnerit akugaat, Issittumi ilisimatusarfiit, ilinniagartuut aammalu soqutigisaqatigiit katersuuttarfigisaat. Oqallittarnerit tamakku inuiaqatigiinni ilisimatuussutsikkut ilisimatuutut misissuinerit siuarsarpaat, aatsitassatigut suliffissuarni ineriartortitsinikkut apeqqutinik akissutaasinnaasumik nassaarniarnermi kiisalu Issittumi siunissami pisortassanik ilinniartitsinermut sunneeqataasarluni.

Isumasioqatigiinneq naammassineqarpoq 26. september sammisaqartitsinikkut ima taaguutilimmik: "Kalaallit Nunaata uulia aamma gas atorlugu suliffissuaqarnera immikkut isagalugu piujuaannartitsisumik ineriartortitsinissamut aqutissiassamut tunngavissiaq". Soqutigisaqaqatigiiffinit assignngitsunit 15-nit sinniisut sammisassat assignngiiaat pisariaqartut isumaqatigiissutigaat isumannaatsumik avatangiisitigullu akisussaasumik qulakkerisinnaasumik, aningaasarsiornikkut iluatinnaatilimmik, inuiaqatigiinni tamatigoortumik oqallisigineqarsimasumit tamakkiisumillu tapersorsorneqartumit siunissami Kalaallit Nunaanni uuliasiornikkut gassisiornikkullu suliniutinut atasumik. Qitiusumik ajornartorsiutitigut inissisimasoq tassaavoq kalaallit maanna siunissamilu pisinnaasaannut tulluarsaanissamut pisariaqartitsineq, uuliasiornikkut gassisiornikkullu suliffissuit annertusiartuinnartut pisariaqartitaasa naammassiniarnissaannut atasumik.

Kalaallit Nunanni kommunet kattuffianni, KANUKOKA-mi siulittaasoq Martha Abelsen: *"Pisariaqartitsinermut naleqqussarsimasunik ilinniartitaanernik pilersitsinissatsinnut suliniuteqartariaqarpugut. Pisortat piviusungortitsiniarnermi siuttuusariaqarput sumiiffinni ataasiakkaani aallarniarniarni naleqqussarnissamut piareersimanissamut, pikkorissarnissanut, eqiasuinnermut eqinnaannissamullu kaammattuinnikkut."*

Inuit Circumpolar Council, ICC-mi siulittaasoq Aqqaluk Lyngge: "Ataatsimiinneq manna Naalakkersuisunit, suliffissuarnit aammalu NGO-nit assignngitsunit peqataaffigineqartup ersersippaa, oqaloqatigiittuarnissaq pisariaqartoq uuliasiornikkut aatsitassatigullu suliffissuaqarnikkut ineriartortitsinermi ajunngitsumik oqimaaqatigiinnermik pilersitsinieranermi. Tamakkiisumik akuersarneqarpoq Kalaallit Nunaanni pisuussutitigut ineriartortitsinerup nunani tamani malinneqartut pitsaanerpaat assigniartariaqarai avatangiisitigut inuuniarnikkullu kingunissat eqqarsaatigalugit, suliniutit ingerlaneranni tamanut ersittumik inuillu oqartussaaqatigiinnerat tunngavigalugu pisumik. Aammattaaq ersarissarneqarpoq, Inuit Issittumi qangaaniilli aqutsisuusimasut suli taama siunissami inissisimassasut. Sissuerneq saatinneqarpoq ineriartortitsinerup sukkassusia qularnaarniarlugu, iluaqutissanik ulorianaatinillu oqimaaqatigiissitsisinnaasunik, aamma pinaveersitsiniarmik pingaernerpaatut qitiusitsisumik, taamaasilluni Inuit tassaassasut salliullutik nunaminni pisuussutitigut ineriartortitsinermut atatillugu iluaqutissarsisussat. Siunertamut tamatumunnga ineriartortinneqartariaqarpoq Kalaallit Nunaannut pitsaanerumik inuit oqartussaaqataaffiisa aqqissorsoneqarnissaat taamaasilluni qulakkeerneqartariaqarmat isumaqatigiinneq kiffaanngissuseqartumik, sioqqutsisumik ilisimatitsereernikkullu akuersaartumik tunngaveqartumik."

Birger Poppel, Ilisimatuussutsikkut missuinnermi aqutsisut pisortaat ataatsimeersuarnermilu akisussaasuusoq, Ilisimatusarfik, Kalaallit Nunaata Universiteta: "Universitetip tulluusimaarutigaa, siuttuusinnaagami Kalaallit Nunaanni suliffeqarfiit pingaarutillit katersorneqarneranni aammalu soqutigisaqaqatigiit allat suleqatigiinnermi issittumi universitetit allat ilisimatusarnermi misissuisut peqatigalugit. Oqaluttuarisaanikkut pingaarutilimmik oqallineq eqqaamaneqassaaq oqalliffiusutut siullertut, soqutigisaqaqatigiit amerlasuut Kalaallit Nunaanni innuttaasut inissisimanerat peqataanerallu siunissami uulisiornermi gassisiornermilu atasumik oqallinnermi. Tamatumunnga atasumik oqaloqatigiilluni ataatsimiinnerup uuliasiornikkut gassisiornikkullu suliffissuaqalernissamut aqutissatut tunngavissat aallarnisarneqarnissanut alloriarneq siulliuvoq, tamanna Kalaallit Nunanni innuttanut tamanut iluaqutinngorsinnaasoq.

Annertunerusumik paasissutissat uunga saaffiginnilluni pissarsiarineqarsinnaapput:

Birger Poppel: +45 2374 9042 eller +299 556266

# # #